



কেন্দ্রীয় মন্ত্রিসভা

ভারত-নেপাল সীমান্তের মেচি নদীর ওপর নতুন সেতু নির্মাণের ক্ষেত্রে রূপায়ণ ব্যবস্থার কাজ শুরু করা নিয়ে ভারত ও নেপালের মধ্যে মউ-এর অনুমোদন দিল কেন্দ্রীয় মন্ত্রিসভা প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা বুধবার ভারত-নেপাল সীমান্তের মেচি নদীর ওপর নতুন সেতুর নির্মাণ কার্য শুরু করার

Posted On: 24 AUG 2017 12:41PM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্যে কেন্দ্রীয় মন্ত্রিসভা বুধবার ভারত-নেপাল সীমান্তের মেচি নদীর ওপর নতুন সেতুর নির্মাণ কার্য শুরু করার জন্য খরচ ভাগাভাগি, সময়সূচি ও নিরাপত্তা বিষয় নিয়ে রূপায়ণ ব্যবস্থার কাজ শুরু করার ক্ষেত্রে ভারত ও নেপালের মধ্যে স্বাক্ষর হতে যাওয়া সমঝোতা স্মারকের (মউ) অনুমোদন দিল।

এই নতুন সেতু নির্মাণের জন্য ব্যয় ধরা হয়েছে ১৫৮.৬৫ কোটি টাকা। এই টাকা এ.ডি.বি.-এর ঋণের মাধ্যমে ভারত সরকার বহন করবে। ৩২৭ বি. নং জাতীয় সড়কে ভারতের পানিটাংকি বাইপাস থেকে নেপালের কাকরভিটা পর্যন্ত ৮২৫ মিটারের ছয় লেনের সংযোগকারী সড়ক সহ ১৫০০ মিটার সড়কের যে মানোন্নয়ন চলছে, তারই অংশ হিসেবেই মূলত তৈরি হচ্ছে এই সেতুটি। মেচি সেতুটি ভারতে এশিয়ান মহাসড়ক সংখ্যা ০২-এর শেষপ্রান্ত, যা নেপালের সঙ্গে ভারতের গুরুত্বপূর্ণ সংযোগ প্রদান করে।

এই সেতু নির্মাণের ফলে দু'দেশের মধ্যে আঞ্চলিক যোগাযোগ বৃদ্ধি পাবে এবং এর মাধ্যমে আন্ত-সীমান্ত বাণিজ্য শক্তিশালী হওয়ার সম্ভাবনা। তাছাড়া শিল্প, সামাজিক ও সাংস্কৃতিক বিনিময়কে শক্তিশালী করার মধ্য দিয়ে দুই দেশের বন্ধনকে শক্তিশালী করবে।

সড়ক পরিবহন ও মহাসড়ক মন্ত্রকের অধীনস্থ জাতীয় মহাসড়ক ও পরিকাঠামো উন্নয়ন নিগম (এন.এইচ.আই.ডি.সি.এল.) এই প্রকল্প রূপায়ণের জন্য নির্ধারিত সংস্থা। নেপাল সরকারের সঙ্গে আলোচনা-ক্রমে এই সেতুর বিস্তারিত প্রকল্প প্রতিবেদন (ডি.পি.আর.) তৈরি করা এবং এর অবস্থান চূড়ান্ত করা হয়েছে।

(Release ID: 1500558) Visitor Counter : 2

Background release reference

ভারত-নেপাল সীমান্তের মেচি নদীর ওপর নতুন সেতু

